

南巡盛典

名勝

卷九十四卷九十五

7.84
6
1189
97



7
子
覽
卷



南巡盛典

名勝

臣聞山川見榮於地與日月麗景於天其道
 同也聖人俯察地理與仰觀天文其揆一也
 禹貢冀兗徐揚之域實多奧區南北三千里
 中融結之瑰奇流峙之靈秀均濡沐於
 累洽重熙而光遠有耀焉
 聖天子時邁南邦紹

神堯之緒

南巡盛典

名勝

垂恩降祉上暢旁流而所經名區勝蹟踵

祖武以登臨誠大地山川之厚幸矣周禮誦訓掌道

方志土訓掌道地圖巡狩皆夾王車是以司

徒謂周知地域廣輪之數山林川澤原隰之

名物以佐王安邦國

入疆省覽固行古之道也矧夫鳶魚之象靜獻天

心星雲之章炳於

睿賞名勝之自效於

聖人

聖人之寵錫夫名勝山川生色誠足與日月齊輝

爰自盧溝啟

蹕而南靈峯德水羣環拱以奉塗而采椽栝柱

行殿之中舊從祈者率於其中因地而制宜焉夫

福地神臯清淑之所薈萃疊蒙

幾餘臨賞賁以

龍光信已揚華而增美乃地非甚著而恭逢

樂御德車於焉次舍則慶霄麻氣下濟坤維遠邇

瞻

雲不啻蓬萊五色是在扶輿鍾孕之上矣然則
山靈瀆祇捧

慈輿而扶

法駕亦欣仰

不顯之謨昭於

繼序且歷久而彌隆也而况司土之吏踐土之人

哉臣等謹標舉大畧畧諸繪事自是

皇輿再幸

宸覽瞭然視有虞之披圖巡洛無以異也若夫一

瓦一椽不煩官購一草一木不費民間我

皇上務實黜華樽節保惠之至意固無時無地不

以之儆有位者則

乾符之景鑠

膏露之渙揚又豈圖記所能摹其萬一乎謹錄名

勝第十一為卷十二

南巡盛典卷九十四

名勝

乾隆十五年十一月初五日奉

上諭朕明歲巡幸江南隨駕人員已經派定侍郎
秦蕙田自行奏請以臨幸惠山必至秦園為辭
秦園在惠山之麓

聖祖嘗經臨駐

留賜御書朕清蹕所經自當瞻仰然不過名山古蹟
偶爾登臨初非因朝臣林園之勝足供遊覽致

南巡盛典 卷九十四
一
煩供帳秦蕙田已不准隨駕並令軍機大臣等
諭知朕意但秦蕙田平日鄉評並非閉戶讀書
居鄉安靜之人恐其指稱臨幸派累闔族人眾
出資修理而伊獨居其功且以餘資自潤此則
不可可傳知黃廷桂令其留心至園亭既有
皇祖御筆卽動用商捐公項官爲修理俾得世世承
守豈不更沾大惠乎欽此

乾隆二十年六月十九日奉

上諭朕明歲南巡一應務從簡樸之處已屢降旨
曉諭該督等矣茲據尹繼善奏稱從前未及登
臨之地如寒山別墅石湖石佛寺棲霞山等處
一併酌量興修以備省覽等語此等處皆與行
宮相去不遠間或登臨眺覽俱可卽日往返無
庸駐蹕只當就山寺內原有屋宇可以憩坐之
處量爲掃除不可尙構行宮以滋糜費且修葺
費用一併於普福所奏商捐內動支其舊曾駐

蹕處所外新預備之處可畫圖來呈覽將此傳諭尹繼善知之欽此

乾隆二十七年三月初九日奉

上諭朕奉

皇太后安輿涖茲南服所以省方觀民勤求治理其各處舊有行宮清蹕所駐爲期不過數日但須掃除潔淨以供憩宿足矣固無取乎靡麗飾觀也而名山勝蹟尤以存其舊規爲自然之趣從前屢降諭旨至爲明晰乃今自渡淮而南凡所經過悉多重加修建意存競勝卽如浙江之龍井山水自佳又何必更興土木雖成事不說而

南巡盛典 卷九十四
似此踵事增華伊於胡底轉非朕稽古時巡本
意且河工海塘爲東南民生攸繫朕厯懷宵旰
時切紆籌地方大吏果加意修防永資捍禦則
茲之親臨閱視其欣慰當何如者而田疇豐潤
井里熙恬所以博朕愜覽不在彼而在此也嗣
後每屆巡幸之年江浙各處行宮名勝處所均
毋庸再事增葺徒滋糜費卽圯墁裱飾至年久
剝落亦可悉仍其舊此實爲愛惜物力起見也
該督撫等其各善體朕諭敬相遵守欽此

乾隆二十九年十月二十日奉

上諭崔應階前奏該省魏家莊大營有四賢祠陳
家莊有晏子祠其建祠時代始末及諸賢姓氏
事蹟並費縣之萬松山有無故實可稽著卽確
查詳悉具奏欽此

大學士公臣傅恒等謹

奏臣等遵

旨會同浙江巡撫臣永貴議得

聖駕南巡浙省所有杭州織造衙門

行宮舊在衙署東西兩旁其西首殿內供奉

聖祖仁皇帝龍牌伏思

龍牌在織造署旁已屬未協而臣子署中供奉

龍牌尤非敬謹之意今議將織造移駐於裁存鹽政

衙署就現存宮殿房屋量加修葺於

宮後建樓供奉

龍牌將來

皇上駐蹕亦便行禮其中房屋或年久傾圮或規模卑小並地方卑濕木料不無剝蝕俱應量為添換購辦至城外西湖地方行宮經前撫臣李衛奏明改作佛寺

世宗憲皇帝御題名曰聖因舊制房屋四所地盤甚寬現亦供奉

聖祖龍牌但在西偏似非體制應請敬謹移供從前舊

寢宮其西首房屋並迤西一帶地基及寺後山園酌量劃出另建

行宮就現在房屋並可用木料量為增添購辦以上

行宮二處其舊有宮殿房屋及_臣等現在商酌派改之處謹繪圖呈

覽俟

欽定後令該督撫等敬謹遵照從儉辦理至於海

塘自翁家埠至尖山離城一百五十里由杭
城前往止有塘路一條塘外皆係漲沙窪地
塘內皆係村舍桑園難以相度

駐蹕之處中小壘更在禪機河莊兩山之間北岸
既沙嫩泥濘南岸道路亦窄狹紆曲查海塘
引河從前康熙年間

聖祖均未臨幸現今江海安瀾隄工鞏固引河水歸
故道此次

皇上南巡_臣等愚見似無庸

親臨閱視惟查候潮門外舊有觀海樓一座從前

聖祖南巡曾經

臨幸該處既可觀潮而中小壘引河等處亦可遠眺
應畧爲修飾以備

臨幸至於杭城內外及紹興嘉興等處名山勝蹟
未可備

巡覽之處均有房屋無庸添建是以_臣等未及另
行定議凡

聖駕臨觀憩息處所俱就現在房屋內酌量粘補

修理數間不必拘泥現在圖樣亦無事過於華飾至紹興府之南鎮蘭亭二處與

禹陵相去不遠從前

聖祖未經臨幸該處現在亦俱有房屋並應畧爲修

理俟

皇上幸浙之時應否

臨觀恭候

欽定謹各繪圖粘簽並經由水陸程途一并進呈御覽至一切沿途經行道路橋梁作何修理預備

之處臣永貴回任後會同總督並嚮導大臣

等會商妥議再行具奏請

旨謹

奏乾隆十四年七月十五日奉

旨是欽此

行宮營盤

奉旨到十四年十月十五日奉

旨

奉旨會商交辦再詳具奏請

旨奉旨到十四年十月十五日奉

大學士公臣傅恒謹

奏臣等遵

旨會同臣黃廷桂等議得辛未歲

聖駕南巡自德州由山東東路至江南宿遷縣登

舟已經奉

旨允行其自楊家莊渡黃駐蹕直隸廠營盤原擬

於此處添設

行宮今臣等公同酌議此處可以無庸建造仍駐

蹕營盤

皇上自直隸廠起早閱視河工至高家堰

行宮駐蹕仍由旱路回駐直隸廠營盤自直隸廠

登舟由天妃閘越河過清江浦達淮安其淮

安城內總漕衙門內之

行宮並總漕衙門年久朽壞難以駐蹕已奉

旨毋庸修理

皇上仍駐

御舟由運河直達揚州三汊河

行宮駐蹕自三汊河至天寧寺復登舟至平山堂

仍由原路回駐三汊河

行宮自三汊河登舟至瓜洲渡江駐蹕金山

行宮由金山至焦山象山由象山旱路至甘露寺

並至教場閱操畢回駐金山閱視水操過江

至錢家港登旱路至龍潭

行宮駐蹕由龍潭至江寧省

行宮駐蹕俟覽閱名勝後仍由原路至龍潭駐蹕

由龍潭至寶華山回駐龍潭仍至錢家港登

舟進鎮江口直達無錫惠山至秦園回舟行

南遊盛典 卷九十四
抵蘇州

行宮駐蹕由旱路至虎邱仍由原路回駐蘇州

行宮又由旱路至靈巖山

行宮駐蹕由靈巖至鄧尉山此處前擬添設

行宮今酌議不必添建或俟此次

巡幸後將來漸次酌辦由鄧尉山至靈巖仍駐蹕

蘇州

行宮復由旱路往觀音山等處亦回蘇州

行宮駐蹕其蘇州至松江往返八九日道路綿長

沿途並無名勝古蹟可備遊覽所有舊時

行宮均已朽壞業經奉

旨無庸巡幸自蘇登舟至平望卽入浙江地界臣

等謹按圖會商其應行新添及可不必添建

並舊有而無庸修理之處俱仰體

皇上從儉辦理之意詳悉講明定議並於圖樣內

分別貼簽進呈至高家堰舊有

行宮尚堪修理想應估定修費就近會同河臣監修

江寧蘇州舊有

行宮均在織造衙門之內尚多完整應照舊式修理粘補亦估定修費會同江寧蘇州兩織造分修其餘應修

行宮俱照呈樣酌減修理合併奏明謹

奏伏候

諭旨乾隆十五年正月初四日奉

旨依議欽此

兩江總督臣黃廷桂江蘇巡撫臣王師兩淮

鹽政臣吉慶謹

奏為奏

聞事恭照

聖駕回鑾後所有

行宮及名勝座落房間自應責令專員經理以垂

永久今臣等擬將自龍潭起至江寧一帶

行宮及名勝座落房間交與江寧布政使經管江

以南自甘露寺起至蘇州一帶

行宮及名勝座落房間交與江蘇布政使經營江
以北自金焦山起至揚州一帶

行宮及名勝座落房間交與兩淮鹽運使經營均
令不時查看如有應行粘補之處報明臣等
動項粘補以昭誠敬仍行文提督按處酌派
弁兵敬謹看守理合奏

聞仰祈

皇上睿鑒謹

奏乾隆十六年四月初四日奉

旨知道了欽此

署兩江總督臣尹繼善兩淮鹽政臣普福謹

奏為奏明請

旨事竊照江南臣庶仰望

鑾輅重臨莫不情深踴躍臣等業已聯名恭奏請

定吉期

南巡凡屬差務均已酌定章程次第預備各處
行宮及名勝之地仰遵

聖訓樽節妥辦不敢稍事虛糜經臣尹繼善節次

奏明在案茲臣尹繼善查勘各處應修工程

臣普福在鎮江相會將一應事宜又復面爲商酌分別緩急妥協料理所需經費荷蒙

恩旨於運庫應解內府閑款銀兩撥給十數萬兩

茲^臣等公同商酌查有應解內府生息餘利

銀十二萬九百六十兩零又吉安窩利銀五

萬二千三百二十九兩零以上共銀十七萬

三千二百八十九兩零一切備辦事宜均請

於此內動用統俟事竣另開清摺奏報所有

遵

旨撥動運庫閒款銀兩^臣等謹合詞恭摺具

奏伏乞

皇上睿鑒謹

奏乾隆二十年五月二十三日奉

硃批是知道了欽此

萬兩交與該督爲動用之需嗣據普福奏將生息餘利及吉安窩利二項共銀十七萬三千餘兩撥用等因在案今臣等酌議如普福奏撥數目不敷應統令於應解閒款內再爲撥給數萬兩一併交與該督爲辦理費用等因具

奏乾隆二十年六月二十日奉

旨知道了欽此

兩江總督臣尹繼善兩淮鹽政臣普福謹

奏爲奏明事竊臣前奏寒山別墅石湖石佛寺

棲霞山等處從前

聖駕未經臨幸之所均酌量興修以備

省覽欽奉

上諭新豫備之處可畫圖來呈覽並將所需費用復命大學士等籌議於運庫應解閒款內再爲撥給銀數萬兩

恩施稠疊感激難名除應繪各圖臣現在親行齋

呈

御覽並將此外續修名勝另行詳細奏

聞外伏思此番差務臣惟事事仰遵

聖訓加意妥辦所有寒山別墅等處原係畧加修

葺以備

登臨茲蒙

聖主隆恩續撥銀數萬兩以為辦理費用臣與鹽

臣普福商酌查有應解

內府生息一項自本年七月起扣至明歲六月

底止應交息銀七萬二千兩請卽於此內酌

留銀六萬兩應用事竣連前撥運庫銀兩一

併開具清摺奏報臣謹會同兩淮鹽臣普福

合詞恭

奏伏乞

皇上睿鑒謹

奏乾隆二十年九月二十五日奉

硃批知道了欽此

合詞恭

兩江總督臣尹繼善謹

奏恭照

皇上軫念徐屬屢被偏災

親臨閱看

恩施稠疊至渥至周凡河工應辦工程無不詳悉

指示復念河流順軌全憑

神功默佑

命臣擇地建

龍神廟并酌量修建房屋以為勘工

駐蹕之所臣謹遵

諭旨於恭送

聖駕後回至徐州親行查勘彭城地處窪下高燥
平坦之區甚少北門外雖舊有

大王廟但地勢窄狹兩旁俱係民房並無餘地
復於城外周迴查閱西門以外地勢雖寬一
遇陰雨卽有積水惟雲龍山旁有隙地十餘
丈可以建廟形勢北向俯視黃河規模甚屬
宏敞且雲龍山名亦與

龍神廟字義相關極爲合式西北有地數十丈
高爽平坦可建

行宮其地在郡城之南雲龍山之北遠近適中臣
相度再四此處最爲妥協謹將勘定地基繪

圖敬

睿覽伏惟

聖明訓示以便委員估計另行奏
聞卽遵

旨動運庫公項辦理務期仰體

聖心諸從儉約爲此謹

奏乾隆二十二年五月初三日奉

硃批知道了欽此又奉

硃筆旁批不必另擇地此不過在廟旁就便一宿之地可耳何須多費廟牆週圍寬展足容數間憩息一宿爲妙欽此

兩江總督臣尹繼善謹

奏爲遵

旨奏覆事竊臣接准

廷寄欽奉

上諭前因徐州孫家集河溜直趨汕刷深濬降旨令該地方建立河神廟以答靈貺嗣據尹繼善奏擇地雲龍山西北並建行宮繪圖進呈經朕批示不必另擇地基祇須於廟旁構闢數間可容一宿憩息足矣並將圖中圈出寄諭令其遵

南巡盛典 卷九十四 名勝 三
照辦理乃距今日久所辦若何未經奏到此等處不過數年一至信宿言旋何必多費以飾美觀該督勿因前已估計興工遂謂成事不說非所以體朕意也著傳諭尹繼善務遵前旨將現在所辦情形卽行具奏再石隄工程前據該督奏稱於霜降後動工此時水落歸槽諒已興工何時可以完竣著一併奏聞欽此欽遵到臣除徐城石工完竣日期業經臣等會摺奏聞外伏查孫家集大工告成河流順軌前奉

諭旨建立

河神廟並酌建房屋以爲勘工

駐蹕之所經

臣

擇地雲龍山之北繪圖進

呈荷蒙

皇上明切指示不必另擇地基只須於廟旁構建

臣仰體

聖心諸從儉約辦理隨卽親行相度卽於廟基之

旁擬建

行宮三層從房亦不多蓋止期樸實不事華美約

計費用不過八九千兩於廟工辦完之後卽行續辦今廟工已於十一月十九日如式完竣應建

行宮業已委員購備物料次第興工明春卽可告成並不敢徒飾美觀混行糜費所有現在辦理情形臣謹繕摺具奏並將房屋基址繪圖恭呈

御覽仰祈

聖明訓示再廟工告竣應請

河神封號並匾額碑文告祭等事宜另當照例具題合並陳明謹

奏乾隆二十二年十二月二十三日奉
硃批知道了欽此

山東巡撫 臣 崔應階謹

奏為覆奏事十月二十五日接奉

廷寄乾隆二十九年十月二十日奉

上諭崔應階前奏該省魏家莊大營有四賢祠陳
家莊有晏子祠其建祠時代始末及諸賢姓氏
事蹟並費縣之萬松山有無故實可稽著卽確
查詳悉具奏欽此遵

旨寄信前來 臣 謹按四賢祠在泰安境內山東通

志內載泰山西南麓有投書澗上書堂係宋

儒胡瑗孫復石介講學之地舊有祠宇今祠已廢後人於縣境東南鄉建祠祀胡瑗孫復石介又增祀孔道輔爲四賢祠其建祠時代無碑記可考又謹按晏子祠在齊河禹城交界之處山東通志內載齊河西北二十五里有晏城係齊相晏嬰采邑後人立祠於晏城之北祀齊相晏嬰其建祠時代亦無碑記可考又謹按萬松山在蒙山之南通志內載費縣北七十里有蒙山山趾延亘一百三十里

其前爲陽口山有玉皇觀老子故宮又費縣志載陽口山近祊城山之北浚水出焉今萬松山卽陽口山其上多松故土人咸呼爲萬

松山臣謹遵

旨查明覆

奏伏乞

皇上睿鑒謹

奏乾隆二十九年十一月初四日奉

硃批覽欽此

兩江總督

臣

尹繼善謹

十五日奉

奏為奏明事竊

臣

前奉

諭旨於魯家莊地方添建房屋隨即委員辦理一

面具摺奏明在案

臣

因自京回時親勘魯家

莊營盤地勢稍低恐建

六日

行宮未免潮濕因委主事薩載前往會同該道府

詳悉查勘魯家莊營盤舊基地勢低窪兩旁

尚有積水於建房不甚相宜隨勘至西北有

陳家莊地方規模豁敞地身高燥去魯家莊

四里有餘上至林家莊下至徐家渡與從前
遠近所差不過數里於此處起建房屋甚屬
合式因改移仍在附近爲期已迫不便遲緩
卽一面立定方向挖築地基今各處構辦料
物已經齊集於十月十六日上樑立柱十一
月內卽可告成所有酌量改移辦理緣由相
應奏明伏祈

睿鑒謹

奏乾隆二十九年十一月十五日奉

硃批好知道了欽此

兩江總督

臣

尹繼善謹

奏

為奏明事竊

臣

欽奉

諭旨令於桃源縣之魯家莊添建

行宮以節帳房馱運之煩仰見

聖明裁酌至周至當

臣

當卽委員相度地基購辦

料物並將魯家莊地勢稍窪擇於相離五里

之陳家莊起建緣由俱經具摺奏明在案隨

於十月半間興工該道府並委員等悉能盡

心督率各項人夫無不踴躍趨事幸得天氣

晴明亦甚和暖茲於十一月內已經一律完
工伏思

聖駕經臨爲期已近若新建房屋加以油飾惟恐
不能卽乾尙有氣息臣已飭令工員將

內殿門牕俱存本色打磨潔淨不令加油所有陳
家莊房屋已經告竣日期相應

奏明仰祈
睿鑒謹

奏乾隆三十年正月初四日奉

硃批甚好知道了欽此

浙江巡撫臣熊學鵬謹

奏竊臣查得鳳凰山一帶古蹟除漫漶無考者
不開外謹將現在查出所有各古蹟繕寫清
單並繪具圖說具

奏再查勝果寺有舊志一本臣謹一併恭錄進
呈伏候

睿鑒謹

奏乾隆三十年閏二月初六日奉
旨知道了欽此

皇清

表再查觀果寺下善志一本
單並餘具圖錄具

不聞代滿雅與亦查出池亦谷古

凌際中查晉鳳凰山一帶古池劍

南巡盛典



南巡盛典卷九十五

名勝 直隸

盧

海

嶺



盧溝橋

在廣寧門西南三十里盧溝卽永定河發源
代郡古桑乾水也石橋橫跨二百餘步剏於
金明昌間名曰廣利康熙八年重建

聖祖仁皇帝製文紀石南有河神廟沙平坡轉古樹
蒼然東爲拱極城百雉崇墉環若雲幄橋當
往來孔道輪蹄絡繹每曉星初霽素月曖空
西山諸峯羅列如畫乾隆辛未歲

御書盧溝曉月並

賜以詩敬勒碑於亭以誌勝景云



南巡盛典 卷九十五 名勝 六
郊勞臺

在良鄉縣南乾隆己卯歲者定準夷蕩平回
部闢疆二萬餘里露頂奮肘候月歸琛者以
億計庚辰三月將軍兆惠等振旅凱旋築臺
建大纛七先期

皇上駐蹕黃新莊

行宮於是日設鹵簿陳饒吹



親勞郊外行抱膝禮以

示褒異諸將士次第

慶賞舍爵策勲禮成

製詩紀事穹碑截業飛角豸戕駿業

鴻庥昭茲來許梯航所會瞻仰靡極



宏恩寺

在良鄉縣南層樓傑閣崇棟飛檐電掣雲起
門臨古道周垣環以叢木蒼翠陰森為遊人
憩息之所六時清梵一杵疎鐘響出林表初
不知在輪轅雜遝間也



聖祖仁皇帝翠華三幸

賜書大願慈航額並

題詩勒石

皇上時巡道經斯寺

天葩煥采普蔭曇華洵郊坰之福地云



永濟橋

在涿州城北跨巨馬河剏於前明因河流南徙橋失其用乾隆庚辰歲



勅建新橋而改舊橋爲涵洞十有八平其脊以連新橋迤北之尾通長二百丈有奇橋南表以坊字輔以樓欄西曰攬翠東曰延清地列望緊爲九達輻輳之會自此民無病涉車無留軌衆流歎欲沃衍

神臯榆柳垂陂蒲葦夾岸橋闌轉處西連高阜建亭其上奉

御製碑文與盧溝橋

御碑亭輝映百里爲

畿南雄構焉





涿州

行宮

在涿州城南涿州古涿鹿城也水經注阪泉
上有黃帝祠今城南廟祀黃帝為藥王猶髣
髴其遺跡皓壁暘輝丹楹歛艷四圍濃翠影
菴繚垣辛未年葺

行殿於左平岡迤邐環若屏嶂石徑紆折亭館周
通飛閣構其旁憑高遐矚控山襟河縈

畿帶甸雲連萬室塔影浮空信為輔雄形勝之
最



紫泉

行宮

在新城縣西南其西北十五里有紫泉考水經注巨馬篇上承督亢溝於迺縣東東南流歷紫淵東今按方位紫泉卽紫淵其名舊矣源出龍堂村迺釣魚臺繞縣城而西厥有奧區碧流環帶如練乾隆辛未歲建

行陞於中畫舫風亭清幽颯爽埭旁植修竹拳石秀峙畧衍紆迴樹杪簪笄掩薄洲渚爰荷



天章譜爲十景焉

大章譜為十景語

𠄎

宮

𠄎
𠄎
𠄎



趙北口

行宮

在任邱縣北五十里卽趙堡口後漢書公孫瓚傳所稱燕南陲趙北際也亘以萬柳隄橋十有一虹跨其上爲南北通衢西淀諸水由此東注

聖祖仁皇帝舉水圍之典葺治

行殿並於端村郭里口圈頭各建一所歲戊辰

皇上敬循故事



命水虞行春蒐焉

鑾輅時巡屢邀

臨駐湖光烟靄帆影雲飛水檻風廊環映於蓮泊

莎塘之際晴空一碧

寫詠鳶魚髣髴江南圖畫也




思賢村

行宮

在任邱縣南十里卽四善村漢太傅韓嬰故居也嬰於孝文時爲博士景帝時爲常山王太傅推詩人之意作內外傳數萬言與齊魯二家並稱燕趙言詩者多宗之兼著易傳惟韓氏自傳其學村有祠授經臺踞其後曲徑窈窕卉木環蔭塋畦綺錯含秀鋪棻乾隆壬午歲仍舊宇修葺爲

駐蹕之所垣牆樸簡欄檻清曠與遠坳雲樹相映帶

皇上卽景懷古易村名曰思賢並賜書授經臺額餘葩流韻疊被天章洵昔賢之榮遇也



太平莊



行宮

在河間縣南舊有毛公祠後漢書儒林傳毛
 萇也武帝時為河間獻王博士治詩別於齊
 魯韓三家授同國貫長卿平帝時立於學祠
 為元總管王思誠建堂廡樸素叢木蒼鬱清
 流襟其北苔垣竹牖倒影玻璃壬午春
 翠華臨幸繕葺規模不事雕文藻績軒窗瀟灑
 天筆揚葩風雅流傳於茲勿替矣

天筆揚葩

風雅流傳

於茲勿替



紅杏園

行宮

在獻縣南三十里河間獻王日華宮故址也
獻王好儒術置客館二十餘區一時文學士
多從之遊明爲王注別墅環植紅杏數百株
故名有亭翼然有池泓然月橋形似半規曲
通臺榭乾隆辛未歲仍舊制葺爲

行館駢柯晻葉萬萼絢春縐縠漣漪菰蘆一碧禽
魚翔泳多會於欄檻之前爰愜

宸襟邀



睿藻焉

六

宮

終

河



絳河



行宮

在景州城西北河自故城流入水經注絳瀆
西至信都東連廣川縣之張甲故瀆同歸於
海故漢書地理志禹貢絳水在信都按故城
漢廣川治景州屬信都國河卽絳瀆之遺也
斜抱村墟環菴烟樹中構

行館修廊迴檻曲通邃室虹橋宛轉漾碧澄虛月
影嵐光隨時延入亭榭恭荷

御題八詠各

賜書額修市龍額之間更增佳勝矣



開福寺

在景州治西北前明舊刹也層檐疊架博敞
豐麗傑閣峙其旁名曰千佛前有古塔相傳
隋建累十有三級覆以鐵籠銅瓶環以瑜欄
石砌盤回陡絕洞戶豁然四圍周眺蓀城萬
雉闐闐村墟櫛比鱗次康熙丙戌歲

聖祖仁皇帝嘗

駐蹕焉

皇上經臨疊敷

宸藻

慈雲慧日永麗於蘭若間矣

蘇子瞻日禾粟外蘭芥問矣

